

ÁRÓÐUR

Fréttabréf Ármanna

Mars 2006



Þessi fallegi birtingur var veiddur 11. mars..

Mynd: Dagur Jónsson

Ólöglegt, en sætt

Það fer ekki á milli mála að forsiðumyndin á fréttabréfinu er grunsamleg, eiginlega ólögleg ef menn vilja vera strangir, en óumræðanlega falleg. Það er vor, strax í mars og veiðimaður hefur freistast til að taka fram stöngina sína og kasta á fisk. Hvernig er annað hægt? Hitinn kominn upp undir 10 stig og 1. apríl óralangt í burtu.

Það eru reyndar veiðimenn sem veiða reglulega á veturna. Sumir fara í Þorsteinsvíkinni á Þingvöllum, þar sem Örn bóndi í Nesi ræður ríkjum, þótt hann eigi að sögn kunnugra ekki veiðiréttinn þarnamegin, heldur Orkuveita Reykjavíkur. Ég sé hálfvegis eftir þúsundköllunum sem hafa farið til bónda.

Aðrir fara austur í Landssveit og veiða í stöðuvatninu sem Sveinn Sigurjónsson bóndi á Galtalæk kom sér upp.

Það er reyndar hæpið að veiðimenn lendi í hörkuslag við fiska í vatninu, þeir eru þreyttir og utanviðsig, en ómótstæðinlega góð tilfinning að setja í fisk í stórhrið eða vægu frosti.

Svo er einn möguleiki til, að veiða í huganum, liggja veturlangt yfir gömlum veiðimyndum af sér og félögunum, lesa veiðibækur eða fá veiðipætti Eggerts Skúlasonar lánaða á Borgarbókasafninu. Allt um það, þetta eru góðir tímar. Þeir væru betri ef löggjöfin um stangveiði væri örlítið frjálslagri. Það er enginn að tala um mokveiði í vetrarlok, heldur einfaldlega að fá að kasta á vatn ef vel viðrar og eiga kannski von á einum, tveimur silungum.

Vífilstaðavatn er í kallfæri og alveg kjörið að gera það að einskonar æfingasvæði stangaveiðimanna.

Það er stórfurðulegt að bæjaryfirvöld í Garðabæ skuli vera strangari en gamli barnaskólakennarinn minn í Laugarnesskólunum, leyfi enga veiði fyrr en eftir 1. apríl og rukki í ofnanálag 1000 krónur fyrir hverja veiðiferð. Golfararnir þurfa ekki að greiða neitt fyrir að nota æfingavöllinn á golfsvæðinu og líku ætti að gegna með blessaða veiðimennina. Nóg er nú samt um verðlagningu í faginu. Ég talaði við mann um daginn sem sagðist ætla að athuga með ódýrt flug til Noregs og leita þar að nýjum veiðilendum. Það er útrás í lagi.

Svona getur vorið hleypt bjartsýni í bestu menn og sumir láta sér ekki dagdraumana nægja, heldur láta drauma sína rætast, einsog pattaralegi sjóbirtingurinn hér á forsiðunni er vitni um.

Þorsteinn J. #657=

Skýrsla formanns á aðalfundi Ármanna 6. febrúar 2006.

Fundarstóri, ritari og kæru félagsmenn. Ég vil byrja á því að bjóða ykkur öll velkomin á þennan aðalfund Ármanna.

Sá háttur hefur verið að formaðurinn sjá meira og minna um að taka saman og lesa skýrslu stjórnar. Nú fór ég þess á leit við formenn allra nefnda að þeir taki saman hver fyrir sig og geri grein fyrir starfi nefndanna hér á aðalfundinum. Vona ég að með þessari breytingu verði fundurinn léttari og fjölbreyttari.

Stjórn og nefndir

Þær breytingar urðu á stjórn félagsins á síðasta aðalfundi að í stjórn gekk Jón Ó. Skarphéðinsson. Ásamt undirritaðari munu á þessum aðalfundi ganga úr stjórn Kristbjörg Sigurfinnsdóttir og Örn Svavarsson. Vil ég þakka þeim fyrir gott samstarf og vel unnin störf.

Stjórn Ármanna starfsárið 2005 var skipuð eftirfarandi félagsmönnum:

Formaður: Jóhanna Benediktsdóttir

Varaformaður: Ragnar H. Björnsson

Gjaldkeri: Kristbjörg Sigurfinnsdóttir

Ritari: Viktor Smári Sæmundsson

Meðstjórnendur: Björn Grétar Sveinsson, Örn Svavarsson og Jón Ó. Skarphéðinsson.

Á árinu voru bókaðir 9 stjórnarfundir og þar að auki vinnufundir vegna úthlutunarinnar og innheimtu á greiðslum vegna veiðileyfa, nefndarfundir og fl. Netíð er mjög virkur þáttur í samskiptum stjórnarmanna og kemur það sér mjög vel fyrir alla og sparar tíma og vinnu í amstri dagsins.

Mig langar til að minnast félagi okkar Kolbeins Grímssonar sem lést 24. janúar eftir stutta sjúkráhuslegu. Ég bið fundarmenn að votta honum virðingu sína með því að rísa úr sætum. Kolbeinn verður jarðsunginn á morgun

(þriðjud.) 7. febrúar kl. 13:00 í Fossvogskirkju, hvet ég félagsmenn til að fjölmenna og votta honum og fjölskyldum hans virðingu sína.

Eins og þið sjáið hér við hlið mér þá hefur félagið okkar loksins eignast félagsfána. Það kom til tals þegar við vorum að ræða útför Kolbeins að félagið hefur aldrei átt fána. Stjórnarmönnum fannst tími til kominn að félagið eignaðist sinn eigin félagsfána, og þá var bara að drífa þetta í gegn og ná því fyrir útför Kolbeins.

Hefð er komin á að stjórn félagsins og starfandi nefndir koma saman í byrjun vetrar og síðan aftur á vorin til skrafs og ráðagerða. Mennt eru sammála um að nauðsynlegt sé fyrir nefndarmenn að hittast reglulega, skiptast á skoðunum og bera saman bækur sínar. Þessi kjarni félagsmanna heldur utan um starfsemi félagsins og sér til þess að hlutirnir gerast, og er þannig drifkraftur félagsins.

Starfandi nefndir voru eftirfarandi:

Hliðarvatnsnefnd: Halldór Sigurðsson, formaður og aðrir nefndarmenn voru Bjarni M. Svavarsson, Eiríkur Einarsson, Kristján Haraldsson og Ásgeir Ásgeirsson.

Hús- og skemmtinefnd: Hjálmar Sæbergsson, formaður og aðrir nefndarmenn voru Ragnar H. Björnsson, Gísli Helgason, Gréta Skúlason, Egill Örn Árnason, Einar H. Sigurðsson, Björn Grétar Sveinsson og Ásbjörn Jónsson.

Fræðslunefnd: Stefán Hjaltsted, formaður og aðrir nefndarmenn voru Þorsteinn Þorsteinsson, Dagur Jónsson, Hilmar Finnsson, Bjarni M. Svavarsson og Kristján Haraldsson.

Grenlækjarnefnd: Stjórn félagsins hefur tekið að sér að sjá um samningagerð við Grenlækjarbændur.

Veiðiflunarnefnd: Viktor Smári Sæmundsson formaður og aðrir nefndarmenn voru Daníel Jakob Pálsson, Guðmundur Haukur Jónsson og Örn Svavarsson.

Ritstjóri og umsjónarmenn

Áróðs eru Þorsteinn Joð ritstjóri, Árnór Gísli Ólafsson og Guðmundur Haukur Jónsson. Dagur Jónsson setjari hefur séð um umbrot á blaðinu.

Umsjón vefsíðu: Ragnar H. Björnsson.

Ég vil nota tækifæri hér og nú að þakka öllum nefndarmönnum fyrir frábæra samvinnu og óeiginjarnt starf í þágu félagsins.

Grenlækur:

Eins og ég kom inná á síðasta aðalfundi, gerðist það loksins hjá félaginu að dæmið gekk upp, Grenlækur seldist allur í úthlutuninni. Er það í fyrsta sinn í langan tíma að það gerist.

Veiðin gekk vel framanaf sumrinu, sjóbirtingurinn kom óvenju snemma í ána. Ég sá það skráð í veiðibókinni að menn voru að fá væna sjóbirtinga miðjan júlí. En veturinn kom óvenju snemma yfir landið með miklum kulda, björtu verðri og síðar mikilli úrkomu og þá er ekki að sökum að spyrja, fiskurinn lét ekki á sér kræla.

Frekar lítil veiði var í síðustu hollunum.

Við gerðum tilraun með Sigmari B. Haukssyni í byrjun árs að bjóð félagsmönnum upp á veiðiferð í hálendi Skotlands. Í veiðilendum með tveimur dölum og tveimur ám og nokkrum vötnum. Veiðihúsið er lítið herrasetur með öllum lúxus. Hópfærð fyrir ca.12 mans. Sigmar kom og kynnti þetta á fræðslukvöldi 19. janúar í fyrra. Mætti nokkur hópju manna sem var forvitinn um þessar skosku veiðilendum. En því miður hefur ekki enn orðið úr skotlandsferðum Ármanna.

Áróður, fréttablaðið okkar hefur enn og aftur fengið andlitslyftingu.

Framvegis verður það ávallt í lit. Breytingar verða líka á útkomu blaðsins, 6 blöð munu framvegis koma út, annan hvern mánuð á tímabilinu frá septemb-

er fram í júlí.

Landsamband stangveiðifélaga (LS) hélt sinn aðalfund 17. nóvember kl. 20:00, var hann haldinn að þessu sinni í Hafnarfirði hjá SVH. Ragnar H. Björnsson varaformaður mætti einn fyrir hönd félagsins þar sem undirrituð hafði ekki tók á að mæta vegna vinnu.




LS boðaði alla formenn veiðifélaga á sérstakan formannafund. Var hann haldinn á laugardaginn var í húsnæði SVFR. Undirrituð mætti með Ragnari H. varaformanni. Ég verð að segja að ég fór ekki bjartsýn á þennan formannafund því við í stjórninni vorum sammála að okkur fannst LS lítið sem ekkert hafa gert undanfarin ár fyrir veiðimenn, sem réttlætti tilveru þess. Hlutverk LS og framhald á starfsemi félagsins var umræðuefnið. Eftir að hafa hlustað á formann LS segja frá áformum og hlutverki LS og heyra líka í hinum formönnunum, hvað þeir vilja að LS geri og standi fyrir, gat ég ekki annað en samþykkt að LS héldi áfram að vinna fyrir öll veiðifélögin á landinu. Það kom skýrt fram á fundinum að það var mikill hugur í mönnum að efla LS og sameina krafta allra formanna veiðifélaga að vinna saman að hagsmunum allra veiðifélaga, stórum sem smáum.

Stjónin kynnti nýja félagsmenn til stjórnarstarfa í Áróði í nóvemberblaðinu, það eru þeir Hafþór Ólafsson, Úlfar Ormarsson og Örn Danielsson sem ég hér með býð velkomna til starfa í stjórn Ármanna.

Að lokum vil ég nota tækifærið og þakka öllum þeim sem ég hef starfað með á minni 4 ára formannstíð. Þetta hefur verið skemmtilegt, stundum erfitt en alltaf gefandi og ákaflega þroskandi. Kærar þakkir öll!

*Jóhanna Benediktsdóttir
formaður Ármanna.*

Samantekt um veiði Ármanna í Hlíðarvatni 1994-2005



Dagskrá



Mynd: Dagur Jónsson

**Skegg og skott á mánudagskvöldum í vetur
og opið hús á miðvikudögum - kaffi og spjall
FRAMUNDAN Í ÁRÓSUM**

Mars

- 15. Jóhannes Sturlaugsson hjá Laxfiskum ehf.
fræðir okkur um urriða o.fl.
- 22. Kolbeinn Grímsson minningakvöld Kaffi, spjall og góðir gestir
- 29. Þór Nielsen # 281 segir frá kynnum sínum
af Þingvallavatni, flugum og fiskum

Apríl:

- 12. Daníel J. Pálsson # 490 ræðir um vötnin sunnan Tungnaár
- 22. Vorfagnaður Ármanna
- 29.–30. Vorhreinsun við Hlíðarvatn

ATH. veiðikortið fæst í Árósum